


增壹阿含經

籍
第二十九

二百六十八
聲九

49440



增壹阿含經卷第二十九

符秦建元年三藏曇摩難提譯

六重品第三十七之一

聞如是一時佛在舍衛國祇樹給孤獨園介
時世尊告諸比丘汝當思念六重之法敬之
重之執在心懷無令忘失云何為六於是比

丘身行念慈如鏡視其形可敬可貴無令忘
失復次口行念慈意行念慈可敬可貴無令
忘失復次得法利之具能與諸梵行者共之
亦無悵想此法可敬可貴無令忘失復次諸
有禁戒不朽不敗極為完具而無缺漏智者
之所貴復欲使此戒分布與人使同其味此



法可敬可貴無令忘失復次正見邪見賢聖
得出要如是之見欲與諸梵行者共同此法
亦可敬可貴無令忘失是謂比丘有此六重
之法可敬可貴無令忘失是故諸比丘常當
修行身口意行設得利養之具當念分布莫
起貪想如是諸比丘當作是學小時諸比丘
聞佛所說歡喜奉行。

聞如是一時佛在阿耨達泉與大比丘衆五
百人俱斯是羅漢三達六通神足自在心無
所畏唯除一比丘阿難是也小時世尊坐金
蓮華七寶爲莖及五百比丘各各坐寶蓮華
小時阿耨達龍王至世尊所頭面禮足在一

面住

尔時龍王遍觀聖衆已白世尊曰我今觀此
衆中空缺不具無尊者舍利弗唯願世尊遣
一比丘喚舍利弗使來尔時舍利弗在祇洹
精舍補納故衣尔時世尊告目連曰汝至舍
利弗所語舍利弗云阿耨達龍王欲得相見

目連報曰如是世尊是時尊者大目連如人
屈伸臂頃往至祇洹精舍至舍利弗所語舍
利弗言如來有教云阿耨達龍王欲得相見
舍利弗報曰汝並在前吾後當往目連報曰
一切聖衆及阿耨達龍王遲想尊顏欲得相
見唯願時赴勿經時節舍利弗報曰汝先至

彼吾後當往是時目連復重語曰云何舍利
弗神足之中能勝吾乎然今先遣使在前耶
若舍利弗不時起者吾當捉臂將詣彼泉是
時舍利弗便作是念今日目連方便試拈吾
耳尔時尊者舍利弗躬解竭支帶語目連曰
設汝神足第一者今舉此帶使離於地然後
捉吾臂將詣阿耨達泉是時目連復作是念
今舍利弗復輕弄我將欲相試乎今解帶在地
云能舉者然後捉吾臂將詣泉所是時目連
復作是想此必有因事不可若尔即時伸手
而取帶舉然不能使帶移動如毫釐許是時
目連盡其力勢移此帶不能使動是時舍利

弗取此帶繫著閻浮樹枝是時尊者目連盡
其神力欲舉此帶終不能移當舉此帶時此
閻浮地大震動亦時舍利弗便作是念目連
比丘尚能使此閻浮地動何況此帶我今當
持此帶繫著二天下亦時目連亦復舉之繫
著三天下四天下亦能舉之如舉輕衣是時
舍利弗復作是念目連比丘堪任舉四天下
而不足言我今持此帶繫著須彌山腹是時
目連復能動此須彌山及四天王宮三十三
天宮皆悉動搖是時舍利弗復以此帶繫于
世界是時目連亦能使動時舍利弗復以此
帶繫二千世界三千世界亦復能動是時天地

大動唯有如來坐阿耨達泉而不移動猶如
力士弄於樹葉而無疑難是時阿耨達龍王
白世尊言今此天地何故震動尔時世尊具
與龍王說此緣本龍王白佛此二人神力何
者最勝世尊告曰舍利弗比丘神力最大龍
王白佛言世尊前記言目連比丘神足第一
無過是者世尊告曰龍王當知有四神足云
何爲四自在三昧神力精進三昧神力心三
昧神力誠三昧神力是謂龍王有此四神足
之力若有比丘比丘尼有此四神力者親近
修行而不放捨者此則神力第一阿耨達龍
王白佛目連比丘不得此四神足乎世尊告曰

目連比丘亦得此四神足之力親近修行初不放捨然目連比丘欲住壽至劫亦復能辦然舍利弗所入三昧目連比丘不知名字是時尊者舍利弗復作是念三千大千刹土目連皆能移動蠕虫死者不可稱計然我躬自聞如來坐者不可移動我今可以此帶繫著如來坐所是時目連復以神足而舉此帶然不能動時目連生此念非我於神足退乎今舉此帶而不能動我今往詣世尊所而問此義介時目連捨此帶已即以神足至世尊所遙見舍利弗在如來前坐見已目連復作是念世尊弟子神足第一無出我者然我不如舍利

弗乎尔時目連白佛言我將不於神足退乎
所以然者我先發祇洹精舍然後舍利弗發
今舍利弗比丘先在如來前坐佛言汝不於
神足有退但舍利弗所入神足三昧之法汝所不解
所以然者舍利弗比丘智慧無有量心得自在不如
舍利弗從心也舍利弗心神足得自在若舍利弗

比丘心所念法即得自在是時大目連即時
默然是時阿耨達龍王歡喜踊躍不能自勝
今舍利弗比丘極有神力不可思議所入三
昧目連比丘而不知名字尔時世尊與阿耨
達龍王說微妙之法勸令歡喜即於彼說戒
清旦將諸比丘僧還詣舍衛國祇樹給孤獨園

尔時諸比丘自相謂言世尊口自記我聲聞
中神足第一者目連比丘是也然今日不如
舍利弗尔時諸比丘起輕慢想於目連所是
時世尊便作是念此諸比丘生輕慢之想向
目連受罪難計告目連曰現汝神力使此衆
見無令大衆起懈怠想目連對曰如是世尊
是時目連礼世尊足即於如來前沒不現往
詣東方七恒河沙佛土有佛名竒光如來至
真等正覺出現彼土是時目連以凡常之服
往詣彼土在鉢盂緣上行又彼土人民形體
極大是時諸比丘見目連已自相謂言汝等
觀此虫正似沙門是時諸比丘復持示彼佛

唯然世尊今有一虫正似沙門尔時奇光如
來告諸比丘曰西方去此七恒河沙土彼世
界名忍有佛名釋迦文如來至真等正覺出
現於世是彼弟子神足第一尔時彼佛告目
連曰此諸比丘起輕慢意現汝神足使大衆
見之目連對曰如是世尊是時目連聞佛教
已以鉢盂絡盛彼五百比丘至梵天上是時
目連以左脚登須弥山以右脚著梵天上尔
時便說此偈

常當念勤加

修行於佛法

降伏魔衆怨

如鉤調於象

若能於此法

能行不放逸

當盡苦原際

無復有衆惱

是時目連以此音響遍滿祇洹精舍諸比丘
聞已往白世尊目連為任何處而說此偈世
尊告曰此目連比丘去此佛土七洹河沙正
在東方以繩絡盛彼五百比丘以左脚登須
彌山右脚著梵天上而說此偈尔時諸比丘
歎未曾有甚竒甚特自連比丘有大神足我
等起於懈怠於目連所唯願世尊使目連比
丘將此五百比丘來至此間是時世尊遙現
道力使目連知意是時目連將五百比丘來
至舍衛祇樹給孤獨園尔時世尊與數千万
衆而為說法時大目連將五百比丘至世尊
所然釋迦文佛弟子仰觀彼比丘是時東方

世界比丘礼世尊足在一面坐尔时世尊告
彼比丘曰汝等比丘為從何來是誰弟子道
路為經幾時彼五百比丘白釋迦文佛我等
世界今在東方佛名奇光如來是彼弟子然
我等今日亦復不知為從何來為經幾日世
尊告曰汝等知佛世界乎諸比丘對曰不也
世尊汝等今日欲詣彼土乎諸比丘對曰唯
然世尊欲還詣彼土尔时世尊告彼比丘今
當與汝說六界法善思念之諸比丘對曰如
是世尊尔時諸比丘從佛受教世尊告曰彼
云何名為六界之法比丘當知六界之人稟
父母精氣而生六何為六所謂地界水界火

界風界空界識界是謂比丘有此六界人身
稟此精氣而生六入云何為六所謂眼入耳
入鼻入舌入身入意入是謂比丘有此六入
由父母而得有以依六入便有六識身云何
為六若依眼識則有眼識耳識鼻識舌識身
識意識是謂比丘此名六識身若有比丘解

此六界六入六識者能度六天而更受形設
於彼壽終來生此間聰明高才於現身上盡
於結使得至涅槃今時世尊告目連曰汝今
還將此比丘詣彼佛土目連報曰如是世尊
是時目連復以絡盛五百比丘遶佛三帀便
退而去如屈伸臂頃已至彼佛土是時目連

捨此比丘已。禮彼佛足已。還來詣此忍界。是時彼土比丘聞此六界已。諸塵垢盡。得法眼淨。

尔時世尊告諸比丘。我弟子中第一聲聞神足難及。所謂大目捷連比丘是也。尔時諸比丘聞佛所說歡喜奉行。

聞如是。一時佛在跋耆國師子園中。諸神足高德比丘賢者。舍利弗賢者。大目捷連賢者。迦葉賢者。離越賢者。阿難等五百人俱。是時大目捷連大迦葉阿那律。晨旦至舍利弗所。然阿難遙見三大聲聞。詣舍利弗所。語離越言。三大聲聞往至舍利弗所。我等二人亦可。

往至舍利弗所所以然者備聞舍利弗說竒
妙之法離越報曰此事可然是時離越阿難
往至舍利弗所是時舍利弗言善來諸賢就
此處坐是時舍利弗語阿難曰我今欲有所
問此牛師子園極爲快樂自然天香流布四
遠云何當使此園快樂阿難報曰若有比丘
多聞所聞不忘揔持諸法義味具足修行梵
行如此諸法皆悉具足亦不漏脫與四部之
衆而爲說法不失次第亦不可卒暴無有亂想
如是比丘在牛師子園快樂是時舍利弗語
離越言阿難今日以演說之我今復欲問汝
義牛師子園快樂如是汝今次說義復云何

離越報曰於是比丘樂閑靜之處思惟坐禪
與止觀相應如是比丘樂牛師子園中是時
尊者舍利弗語阿那律曰汝今當說快樂之
義阿那律報曰若有比丘天眼徹視觀衆生
類死者生者善色惡色善趣惡趣若好若醜
皆悉知之或有衆生身口意行惡誹謗賢聖
身壞命終生地獄中或復有衆生身口意行
善不誹謗賢聖猶如士夫觀空中靡不備悉
有天眼比丘亦復如是觀諸世界無有疑難
如是比丘在牛師子園中快樂如是也是時
舍利弗語迦葉曰我今問汝如是諸賢已說
快樂之義汝今次應說之迦葉報曰若有比

比丘行阿練若行復教他人使行阿練若歎說
閑靜之德已身者補納之衣復教他人使行
頭陀身自知足在閑居之處復教他人使修
其行已身戒德具足三昧成就智慧成就解
脫成就解脫見慧成就復教他人使行其法
歎說其法已能勸化復教他人使行其法教
訓無厭足如是比丘在牛師子園中快樂無
比亦時尊者舍利弗語大目連曰諸賢已說
快樂之義汝今次說快樂之義牛師子園中
快樂無雙汝今欲云何說之目連報曰於是
比丘有大神足於神足而得自在彼能變化
無數千事而無疑難亦能分身作無數身或

復還合爲一石壁皆過涌沒自在亦如駛河
猶如飛鳥在空中無跡譬如暴火焚燒山野
亦如日月靡所不照亦能舉手摩按日月亦
能化身至梵天上如此比丘宜牛師子園中
是時目連語舍利弗曰我等各隨其辯而說
之我等今問舍利弗義牛師子園極爲快樂
何等比丘宜在其中舍利弗言若有比丘能
降心然彼比丘心不能降比丘設彼比丘欲
得三昧即時彼比丘能得三昧隨意遠近成
三昧者即能成辦之猶如長者家有好衣服
盛著箱篋尔時彼長者隨意欲取何等衣隨
意取之而無疑難亦能隨意入三昧中此亦

如是心能使比丘非比丘能使心隨意入三
昧亦無疑難如是比丘能使心非心使比丘
如是之人宜在牛師子園中是時舍利弗告
諸賢曰我等隨其辯而說各隨方宜善說此
義今各相將往問世尊云何比丘得樂此牛
師子園若世尊有所說我等當奉行諸比丘報
曰如是舍利弗是時大聲聞等各各相將往
至如來所到已頭面禮足在一面坐尔時大
聲聞以此因緣具白佛言尔時世尊告曰善
哉如阿難所說所以然者阿難比丘聞法能
持摠攝諸法具足修行梵行如此之法善聞不
忘亦無邪見與四部之衆而說法言不錯亂

亦不卒暴離越比丘所說亦復快哉所以然者樂閑靜之處不處人間常念坐禪無有諍訟與止觀相應閑居寂寞阿那律比丘亦復使哉所以然者阿那律比丘天眼第一彼以天眼觀三千世界猶如有眼之人掌中觀珠阿那律比丘亦復如是彼以天眼觀此三千大千世界而無疑難今迦葉比丘亦復快哉所以然者迦葉比丘已身是阿練若行復能歎說閑居之行身能乞食復能歎譽乞食之德身著補納衣復能歎說補納衣之德已身知足復能歎說知足之德已身處巖穴復能歎說巖穴之德已身戒成就三昧成就智慧

成就解脫成就解脫見慧成就復能教人成
此五分法身身能教化復能教人使行其法
善哉善哉如目連所說所以然者目連比丘
有大威力神足第一心得自在彼意欲所爲
則能成辦或化一身分爲億或還合爲一石
壁皆過無有罣礙踊沒自在亦如駛水亦無
觸礙如空中之鳥亦無足跡猶如日月靡所
不照能化身乃至梵天善哉如舍利弗之所
說所以然者舍利弗能降伏心非心能降伏
舍利弗若欲入三昧時則能成辦無有疑難猶
如長者好衣裳隨意取之而無疑難舍利弗
比丘亦復如是能降伏心非心能降伏舍利

弗隨意入三昧皆悉在前善哉善哉諸比丘
汝等所說各隨方便但今復聽我所說云何
比丘樂牛師子園中若有比丘依村落住彼
到時著衣持鉢入村乞食彼乞食已還歸所
住洗手面在一樹下正身正意結跏趺坐繫
念在前彼比丘便作是念我今不壞于坐要
當盡有漏成無漏尔時彼比丘即有漏心得
解脫如是比丘宜在牛師子園中如是比丘
恒勤精進莫有懈怠所在之處靡不宗奉者
如是比丘當作是學尔時諸比丘聞佛所說
歡喜奉行

聞如是一時佛在舍衛國祇樹給孤獨園尔

時世尊告諸比丘我今當說呪願有六德汝等諦聽善思念之諸比丘對曰如是世尊爾時諸比丘從佛受教世尊告曰彼云何名爲六德於是施主檀越成就三法云何檀越施主成就三法於是檀越施主信根成就戒德成就聞成就是謂檀越施主成就此三法施

物之法復成三法云何爲三然彼物色成就味成就香成就有此三法是謂比丘有此六事獲大功德名德遠聞獲甘露之報是故諸比丘若欲成就此六事者當念惠施如是比丘當作是學爾時諸比丘聞佛所說歡喜奉行聞如是一時佛在舍衛國祇樹給孤獨園

時世尊與無鞅數之衆而爲說法。爾時座上有一比丘便生此念。願如來告我有所論說。爾時世尊知比丘心中所念。告諸比丘。若有比丘生此念。如來躬教訓我。彼比丘戒具清淨。無有瑕穢。修行止觀樂閑靜之處。若復比丘意欲求衣被飯食牀敷卧具。病瘦醫藥者。亦當戒德成就。在空閑處而自修行。與止觀共相應。若復比丘欲閑靜處而自修行。與止觀共相應。若復比丘欲求使四部之衆國王人民有形之類所見識。知彼當念戒德具足。若復比丘意欲求四禪中無悔心。亦不變易。當念戒德成就。若復比

比丘意欲求四禪定彼亦當戒德具足若復比
丘意欲求八解脫門而無罣礙彼當念戒德
具足若復比丘意欲求天耳徹聽聞天人聲
當念戒德具足若復比丘意欲求知他人心
中所念諸根缺漏彼亦當念戒德具足若復
比丘意欲求知衆生心意有欲心無欲心有
瞋恚心無瞋恚心有愚癡心無愚癡心如實
知之有愛心無愛心有受心無受心如實知
之有亂心無亂心有疾心無疾心有少心無
少心有量心無量心有度心無度心有三昧
心無三昧心有解脫心無解脫心如實知之
欲知如是者當念戒德具足若復比丘意欲

得無量神足分一身作無數復還合爲一涌
沒自在能化身乃至梵天彼當念戒德具足
若復比丘意欲求自憶宿世無數劫事或一
生二生乃至千生百千億生成劫敗劫成敗
之劫不可稱計我曾死此生彼名某字某或
從彼終來生此間自憶如此無數劫事當念
戒德具足而無他念若復比丘意欲求天眼
徹視觀衆生類善趣惡趣善色惡色若好若
醜如實知之或復有衆生身口意行惡誹謗
賢聖身壞命終生地獄中或復有衆生身口
意行善不誹謗賢聖心意正見身壞命終生
善處天上意欲如是者當念戒德具足若復

比丘意欲求盡有漏成無漏心解脫智慧解脫生死已盡梵行已立所作已辦更不復受胎如實知之彼當念戒德具足內自思惟無有亂想居在閑處諸比丘當念戒德具足無他餘念威儀成就具足過常何況大者若有比丘意欲使如來共論者當念戒德具足已戒德具足當念聞具足聞已具足當念施具足施已具足當念智慧具足解脫知見皆悉具足若有比丘戒身定身慧身解脫身解脫知見身具足者便爲天龍鬼神所見供養可敬可貴天人所奉是故說諸比丘當念五分法身具足者是世福田無能過者如是諸

比丘當作是學余時諸比丘聞佛所說歡喜

奉行

增壹阿含經卷第二十九

馨

持

弄字蠕

而准

反一音

鉢杆

下正作

絡盛

上音

結

為絡

下貯

悲品

練若

下汝者

反此

駛河

使

疾流也

音成

摩拔

下武粉

箱篋

下苦

此方...

